

Gvangjsih Minzcuz Bau

ganhhau: CN45-0036 B.2018 Nd.10 Ng.24 liggaueq fouhswt nienz ndwengouj cibroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3346期

Dava Yauzcuz Swciyen Angqhoh Laebbaenz 30 Hopbi Langhbaij Daegsaek Fungcingz

大化瑶族自治县庆祝成立30周年 展示特色风情

Ndwen 10 ngoenz 20 banhaet, Hozciz Si Dava Yauzcuz Swciyen banh aen hoihhung angqhoh swciyen laebbaenz 30 hopbi. Beksingq gak cuz dangdieg caeuq bouxhek gak hangz gak nieb ndawbiengz doxcomz giz ndeu, ciengqgo diuqfoux, langh-baij gij cingzciik hwnghat hwnghuh ginghei Dava caeuq daegsaek minzcuz fungcingz.

Dava Yauzcuz Swciyen bi 1988 ndwen 10 laebbaenz, youq Gvangjsih baihyang bien saebaek duenhgyang Dahraemxhoengz, dwg aen yienh cungdenj guekgya seizgeiz moq bang-

fuz haifat, aen yienh neix comz "laux, noix, bya, gungz, fai" youq itheij. Dava dwg dieg gwzming laujgih, dieg minzcuz vunznoix comzyouq, dieg aenfai camhsuijden, hix dwg dieg vwnzva Yauzcuz seiqgyaiq, dieg yawjgonz rin Cungguk, dieg gyaen-nanz Cungguk, dieg gijwn saekloeg Cungguk.

Ngoenzhaenx, beksingq gak cuz ndang daenj buhvaq minzcuz youq Dava Gyanghbinh Vwnzva Gvangj-cangz camgya aen hoihhung angqhoh. Dava laebbaenz 30 hopbi gvangj-cangz vwnzyi yienjok gungh miz 《Dahme

Gienjfoedfoed》《Mbanjyauz Foksouh Gyaunde》《Haengguh Dava Moq》sam bouhfaenh, 《Cienzgangj Miz-lozdoz》《Fwen Riu Laeuj》《Dava Cienzgeiz》caeuq langhbaij buhvaq minzcuz daengj daegsaek minzsuz cezmuq doxlwnz hwnj daiz biujyienj.

Youq mwh yienhgingq, Dava lij banh aen canlanj gij cingzciik swciyen laebbaenz 30 hopbi, aen hoih yenzdauj yozsuz vwnzva Yauzcuz Cungguk, aen vanjvei cawjdaez vwnzyi daengj baenzdauq hozdung dem.

(Yangz Ciyungz Vangz Yenmeiz)

Yungzsuij: Vat Maenz Doxdax Bang Vut Gungz

融水:挖薯比赛助脱贫

Ndwen 10 ngoenz 20, Yungzsuij Myauzcuz Swciyen Fulenz youq Bwzyinz Yangh Linzcwngz Cunh Mbanjcwngzga Mbanjyauz banh vat maenznding doxdax. Geijcib boux mehmbwk Yauzcuz caeuq bouxhek youq gyang naz ranzungzhoj yungh fwngh vat maenz, leuxcih dawz maenz hwnj daiz doxdax hung, doxdax naek, bouxhek simndei yienhciegz cawx gij maenznding vat ndaej haenx, bangrengz cingcinj vut gungz. Ndaw doz dwg geij boux mehmbwk Yauzcuz langhbaij maenznding youq gyang naz ngamq vat ndaej haenx.

(Lungz Linzci/龙林智)

Lozyez: Minzsuz Fungcingz Biujyienj Baenz Lijyouz Yingzsiuh Diemjrongh Moq

乐业:民俗风情表演成为旅游营销新亮点

Daj bi 2018 doxdaeuj, Lozyez haenqrengz gaem ndei minzsuz fungcingz cangzdaiva biujyienj, dangguh daezswng gij vwnzva neihanz ginggih gingjdiemj, daezswng yienghsienq binjbaiz dieg lijyouz, laebndei cung-loih doxgaiq lijyouz, hawj bouxhek vwnzva aeuyungh ndaej habhoz. Seiz-neix, minzsuz fungcingz cangzdaiva biujyienj baenz Lozyez lijyouz yingz-siuh diemjrongh moq.

Riengzdwk hong cauhaeb aen yienh lijyouz daegsaek okmingz mboujduenh haeujlaeg haiguh, Lozyez Yen mboujduenh vatcimh daegsaek minzcuz vwnzva swwhyen, mboujduenh daezlien dajcauh, baucang yisuz cingbinj. Yienh vwnzva bouh-monz gaenmaenx cujiciz aen donzdij yisuz ndawbiengz, vunzcaiz yisuz

gapbaenz aen lenzmungz hezvei yisuz vwnzva hung'ak, baij bouxyienj maenhndei aen duenzisuz ciengq-daeng ndaw yienh bae segih, mbanjguh sonyinx yisuz vwnzva, daezswng gij suijsingz dinfwngh yienj yisuz vwnzva minzsuz. Daj daih'it, ngeih geiqdoh minzsuz fungcingz gofoux 《Angq Raemx Angq Bya Angq Nieb》, daihsam geiqdoh ciengqdaeng cien-ciengz 《Cingz Maez Ngaeuz Daeng》, daihsei geiqdoh gofoux nyuenz miz 《Yinhgeq Buzlungz》daengj bonjdieg feihvuzciz vwnzva yizcanj mingzloeg neiyungz cawjdaez biujyienj, moix singhgiz haj banhaemh dinghgeiz youq yienhsingz vwnzva gvangj-cangz, bouhfaenh ginggih hai yienj, dawz daiz youh daiz bonjdieg minzsuz vwnzva baenzdauq biujyienj gig miz

deihfueng daegsaek naekna haenx yienj okdaej, yaepyep baenz le diemjrongh lijyouz daegsaek bineix, baenz minzsuz vwnzva lijyouz gingj-gvanh daegbied gagmiz, ndaej daengz bouxhek haeujsim caeuq gyaemzmaij.

Linghvaih, Lozyez lij youq moix aen dieg lijyouz gvaq ngoenzgyaj lajmbanj, nungzyahloz, haiguh aen hozdung cawjdaez minzsuz vwnzva, aen minzsuz vwnzva ndawbiengz lai cungj lai yiengh haenx cungfaen langhbaij hawj bouxhek yawj, hawj bouxhek youq yawjgonz caeuq roxnyinh daengz vwnzva gizdieg daegbied gagmiz doengzseiz, ndaej daengz gij muzdiz vwnzva doxdoeng, caenh'itbous roxyiuj Lozyez, byaij-haeuj Lozyez, senhconz Lozyez.

(Veiz Yungzlingz)

SIUSIK DINJ

简讯

● Mboengqneix, Denzyangz Yen mbangj yanghcin hwnghwnj gij hozdung senhgyangj fwen, gyoengq boux senhgyangj yungh gij cingz vunzlai gyaez fwen daegbied neix, baengh aen bingzdaiz gyangsiszsoj seizdaih moq, doenggvaq gij hingzsik senhgyangj fwen, aeu gij cingsaenz Cibgouj Daih dangj, lajmbanj saenqhwngh canloz, dinfwnghz dajndaem dajciengx daengj cihsiz soengq daengz mbanjbya, soengq daengz lajmbanj.

(Suh Siujmei)

● Youq mwh guhhong dieg wng senjyouq banggungz, Sanh-gyangh Dungcuz Swciyen mboujduenh gyagiengz hwnghuh gak hangh giekdaej sezsih dieganyouq senjdieg, haenqrengz gaijgez gij vwndiz ranzenjdieg couhnieb caeuq lwnghyeiz hwnghag, baujmaenh ranzenjdieg banggungz bae dieg wng buen ndaej ok, youq ndaej onj, ndaej couhnieb, miz baujjang.

(Vuz Lenyinh)

● Mboengqneix, Nanzdanh Nungzyezgiz youq Bazhih Yauzcuz Yangh Lizau Cunh banh son'gyauq dinfwnghz dajndaem maenznding yiengh gijwn singhsien canjnieb banggungz, 20 lai boux ranzungzhoj dajndaem maenznding aen cunh neix camgya son'gyauq. Bouxgisuz-yenz aen giz neix ciengzsaeg ganggej, guhyiengh gij dinfwnghz dajndaem maenznding hawj ranzungzhoj, caemhcai qungdenj son'gyauq gij dinfwnghz guenjieix doenghnaz seizneix, lij fat 750 goenggaen fuzhozfeiz hawj ranzungzhoj dem.

(Linz Lifungh)

● Ndwen 10 ngoenz 15 daengz ngoenz 17, aen canhfangjdonz Daizvanh Vahlenz Yen Cozhieh Yangh Daibingz Siujyoz gungh 34 boux daengz Cungzcoj Si canhfangj, caemhcai qungdenj Si canhfangj, caemhcai qungdenj Gvangjsih Minzcuz Swfan Yoz-yen Fusuz Siujyoz, Dasinh Yen Leizbingz Cin Cungsim Siujyoz song aen hagdangz neix haiguh doxgyau hozdung. Song mbiengj doenggvaq vwnzyi biujyienj daengj hingzsik, cungfaen langhbaij gij cingzngieih naekna beixnuengx song hamq haijyaz.

(Bangz Veidingz)